

网海拾贝

开 峻

石湖秋泛

湖岸自打过秋风，丝瓜架子换金篷。
苔衣浸露秋叶滑，荷梗支颐望苍穹。苍穹
雁字归飞急，我在湖畔对空濛。平生未遂
青云志，靠得青山固于穷。湖风不解客徜徉，
直送渔歌入耳腔。范公祠堂何处有，烟波
尽处是沧浪。呕哑兰橈悠悠去，惊起鸬鹚
一双双。可怜楞伽塔影碎，垂日残喘呵金
光。白墙又映竹影筛，麻鸭又噪钓鱼台。
寻常人家故事少，黝黝漆门半敞开。众芳
偕老堆一处，乌篷散泊等安排。湖镜曾照
西子笑，残城曾挡越兵来。匠人新造观月
坪，落叶恰似秋点兵。行春桥上石狮老，上
方山下渔火明。行客有兴追古迹，草际无
聊发秋声。高台跌碎春秋梦，秋草已没盟
鸥人。波鳞泛起瞧不真，秋风着意扫香尘。
湖山多有圣人迹，晚钟催逼又黄昏。渺渺
烟渚在其间，若逢耄耋便神仙。栉比琼楼
占山水，多少纨绔酒家眠。且莫问那千古
月，九孔穿珠几个钱。也莫问那千年寺，几
个僧人是参禅。客水徐来分波入，垂虹不
动安如山。山光尽被铜臭染，骚客吟诗落
笔难。胸有丘壑画不得，粉墨尽被烟波湿。
翩翩一骑绝黄尘，依稀玉鞍黄金勒。此际
凭湖忧思远，只恨无力添羽翼。诸翎司职
听风令，山高水阔归路塞。蟾宫未折桂枝
条，且寻佳处任逍遥。不听佞语颂功德，且
听促织诉寂寥。治平寺前长久立，残花衰
叶无人拾。向晚秋风莫欺弱，又无流水堪
与托。此生流落与谁同，月出先撞一声钟。
十三年来思归处，因风因雨涩凝瞳。君不

见，春秋交替雁匆匆，多少蒹葭落得一梦
空。君不见，日月轮班照孤峰，禅林几回抖
擞起悲风。君不见，酹酒临波眼迷蒙，万点
浮金不过俯仰中！

武建东

秋日郊野见怀句

高速飞车影，远山浮白云。
听鸿归阵阵，见叶落纷纷。
无意难成句，多情好作文。
诗家频有梦，何处不殷勤？

重九望怀

烟分两岸一桥横，独倚栏杆满眼明。
落叶风疏秋日影，垂杨柳递晚莺声。
清波初钓重阳月，寒菊新开半树荣。
今欲登高犹可望，未曾相约已多情。

苏大勇

过瓜州汽渡

船泊瓜州暮色迎，寒风猎猎数鸥宁。
前波过后追微浪，看似江平却不平。

对棠湖晚

坐对棠湖秋照晚，芦声飒飒暮风寒。
雏鸥不解衰翁意，倦困优游戏浅滩。